
САЙЁР ҚАБУЛ

Бугун, 21 июнь куни Фарғона вилояти ҳокими Шухрат Ғаниев Бағдод туманида сайёр қабул ўтказди.

Қирқволди қишлоғидан вилоят ҳокими Шухрат Ғаниев қабулига келган Сайдали Умарқулов оиласида 18 жонлиги ва уларнинг бир нечаси ишсиз эканидан арз қилди. -Ҳозиргача буғдойи ўрилган майдондан ер берамиз, такрорий экин учун. Мош экин, сабзавот экин. Ҳеч қандай тўлов қилмайсиз. Даромад ўзингизники. Кейинроқ эса доимий иш жойи билан таъминлаймиз, - деди ҳоким.

- Ер берсангиз қани эди...

Сайдали ака қувончдан кўзлари чарақлади.

Санжар Зокиров оилавий тадбиркорлик очиб, 300 та товуқ боқмоқчилигини, лекин маблағи йўқлигини айтди.

-Гап маблағда эмас, - деди ҳоким. -Жўжа, товуқ жуда нозик бўлади. Уни боқиш учун ҳам илм керак. Ният қилибсиз, ёрдам берамиз.

Ҳоким паррандачиликдан тавсиялар бериш, кредит ажратиш ҳақида тегишли масъулларга вазифа қўйди.

“Аслтекс” муассиси ишлаб чиқаришни кенгайтириш учун 4 миллиард сўм кредити ҳал бўлмаётганидан шикоят қилди.

Ҳоким топшириғи билан Марказий Банк вилоят бош бошқармаси бошлиғи Туробжон Қундузов бу масала ечимига масъул қилинди.

Бағдоддаги сайёр қабулда яна ўндан ортиқ мурожаатчининг муаммолари жойида, қонун доирасида ҳал қилинди.

Фарғона вилояти ҳокимлиги Ахборот хизматиFacebook, Telegram, Веб сайт, YouTube

2020-06-23 18:12:55